



REPUBLIKA E KOSOVËS
REPUBLIKA KOSOVA – REPUBLIC OF KOSOVO

GJYKATA THEMELORE GJAKOVË - DEGA E GJYKATËS RAHOVEC

CP.nr.305/2022

GJYKATA THEMELORE GJAKOVË – DEGA NË RAHOVEC, Departamenti i Përgjithshëm/Divizioni Civil, gjyqtari Besmir Juniku, në çështjen juridike të përmbarimit sipas propozimit për përmbarim të kreditorit R.F nga fshati Celinë, Komuna e Rahovecit, kundër debitores Komuna e Rahovecit – Drejtoria Komunale për Arsim, për shkak të pagesës së borxhit dhe shpenzimeve gjyqësore në bazë të aktgjykimit të plotfuqishëm të Gjykatës Themelore Gjakovë – Dega në Rahovec, në shumë totale prej 1,146.67 Euro, me datë **28.03.2024** merr këtë:

A K T V E N D I M

I. URDHËROHET Ministria e Financave, Punës dhe Transfereve e Republikës së Kosovës në Prishtinë, Llogaria e Vetme e Thesarit, që në emër të detyrimit të përcaktuar sipas Aktvendimit CP.nr.305/2022, të datës 08.12.2022, për lejimin e përmbarimit të dokumentit përmbarues, Aktgjykimit C.nr.166/2020, të datës 15.02.2021, të Gjykatës Themelore Gjakovë – Dega në Rahovec, të bëjë debitimin e mjeteve monetare në shumë prej 869.67 Euro, si dhe në emër të shpenzimeve të procedurës përmbarimore shumë prej 277.00 Euro, e në shumën e përgjithshme prej **1,146.67 Euro**, në atë mënyrë që nga xhirollogaria bankare e debitores së përmbarimit Komuna e Rahovecit – Drejtoria Komunale për Arsim, t’i bartë këto mjete monetare në dobi të kreditorit R.F nga fshati Celinë, Komuna e Rahovecit-në xhirollogarinë e tij me **nr. ...**
– **B.**

II. OBLIGOHET kreditori dhe Ministria e Financave, Punës dhe Transfereve e Republikës së Kosovës – Llogaria e Vetme e Thesarit në Prishtinë, që gjykatën ta njoftojnë me shkrim për zbatimin e këtij aktvendimi ose për arsyet e moszbatimit të tij.

A r s y e t i m

Kreditori R.F nga fshati Celinë, Komuna e Rahovecit, përmes të autorizuarit të tij, të ndjerit, Av. Q.Q, në këtë gjykatë ka parashtruar propozim për përmbarim kundër debitores Komuna e Rahovecit – Drejtoria Komunale për Arsim, për shkak të borxhit në emër të shpenzimeve të ushqimit në punë, për periudhën prej datës Prill-2017 e deri Prill-2019, në shumën e përgjithshme prej 698.00 Euro, me kamatë ligjore prej 8%, nga data 15.02.2021 e deri me datë 14.03.2024, krejt kjo në bazë të dokumentit përmbarues, vendimit gjyqësor si në dispozitiv. Shpenzimet e procedurës përmbarimore i ka kërkuar.

Kjo gjykatë, me Aktvendimin CP.nr.305/2022, të datës 08.12.2022, e ka lejuar përmbarimin, duke llogaritur edhe kamatën ligjore prej 8%, nga data 15.02.2021 e deri me datë

14.03.2024, përmes ekspertizës financiare të datës 20.12.2023 me plotësimet e saj të datës 18.03.2024, të përpiluar nga eksperti financiar Nevruz Oruqi nga Prishtina. Në këtë kuptim, shuma për të cilën është lejuar përmbarimi në emër të kompensimit të shpenzimeve të ushqimit në punë, për periudhën Prill-2017-Prill2019, është në vlerën e përgjithshme prej 698.00 Euro, kamata ligjore në shumën prej 171.67 Euro dhe shpenzimet e procedurës përmbarimore në shumë prej 277.00 Euro (në emër të përpilimit të propozimit për përmbarim shumën prej 156.00 Euro, në emër të taksës gjyqësore për propozim shumën prej 21.00 Euro dhe në emër të ekspertizës financiare shumën prej 100.00 Euro), e në vlerën e përgjithshme prej 1,146.67 Euro.

Pala debitore e ka pranuar vendimin për lejimin e përmbarimit dhe ekspertizën financiare dhe plotësimin e saj për llogaritjen e kamatës ligjore, ndërsa në këtë drejtim nuk ka paraqitur prapësim, andaj ky aktvendim është bërë i përmbarueshëm dhe i formës së prerë. Meqenëse pala kreditore në propozimin për përmbarim ka cekur mjetin e përmbarimit, transferimin e mjeteve monetare përmes xhirollogarive bankare me qëllim të realizimit të detyrimit në të holla, gjykata, pas shqyrtimit të të gjitha shkresave të lëndës gjeti se duhet të bëhet debitimi i mjeteve monetare në emër të kompensimit të shpenzimeve të ushqimit në punë, si dhe shpenzimeve të procedurës përmbarimore, përmes xhirollogarisë bankare të potencuar si në dispozitiv të këtij aktvendimi.

Me shikimin në shkresat e lëndës, kjo gjykatë ka gjetur se pjesa e detyrimit që rrjedh nga dokumenti përmbarues, Aktgjykimi C.nr.166/2020, i datës 15.02.2021, i lëshuar nga Gjykata Themelore Gjakovë – Dega në Rahovec, i cili është i plotfuqishëm nga data 04.11.2021 dhe i ekzekutueshëm nga data 24.10.2022, është përcaktuar saktë shuma e mjeteve monetare që debitorja i detyrohet kreditorit, e që përfshin edhe kamatën ligjore prej 8% dhe shpenzimet tjera të shkaktuara deri në këtë fazë të procedurës. Kreditori ka të drejtën e realizimit të kredisë në të holla, kundër debitores së përmbarimit, përmes debitimit të mjeteve financiare si në dispozitiv të këtij aktvendimi, në kuptim të nenit 152 të LPP-së. Gjykata ka gjetur se debitorja obligohet që kreditorit t'ia kompensojë shpenzimet e ushqimit në punë, si dhe shpenzimet e procedurës përmbarimore, të përshkruara si më lart.

Andaj, nga arsyet e cekura më lart, kjo gjykatë vendosi që ta urdhërojë Ministrinë e Financave, Punës dhe Transfereve të Republikës së Kosovës – Llogaria e Vetme e Thesarit në Prishtinë, që të bëjë debitimin e mjeteve monetare, e më gjerësisht me përshkrimin e bërë si në dispozitiv të këtij aktvendimi.

Nga sa u tha më lart, u vendos si në dispozitiv të këtij aktvendimi, e në kuptim të nenit 3, 5 par. 6, nënpar. 2, nenit 13 par. 4, 17, 24 par. 1, 109 par. 3, 113 dhe nenit 152 të LPP-së, e lidhur me nenin 449, 452, 453 dhe nenin 463 të LPK-së.

GJYKATA THEMELORE GJAKOVË – DEGA NË RAHOVEC
Departamenti i Përgjithshëm – Divizioni Civil
CP.nr.305/2022, datë 28.03.2024

G j y q t a r i
Besmir Juniku

KËSHILLË JURIDIKE: Kundër këtij aktvendimi nuk lejohet ankesa.